



MENTERI SUMBER MANUSIA

KENYATAAN MEDIA

BELANJAWAN 2024 MALAYSIA MADANI – PERBADANAN TABUNG PEMBANGUNAN KEMAHIRAN (PTPK) KOMITED MEMPERKASAKAN DANA LATIHAN ALIRAN PENDIDIKAN DAN LATIHAN TEKNIKAL DAN VOKASIONAL (TVET)

Kementerian Sumber Manusia melalui Perbadanan Tabung Pembangunan Kemahiran (PTPK) menyambut baik dan mengucapkan setinggi-tinggi penghargaan dan terima kasih kepada YAB Perdana Menteri atas Belanjawan MADANI 2024 yang dibentangkan dengan tema “*Reformasi Ekonomi, Memperkasa Rakyat*”. Belanjawan MADANI 2024 ini adalah bukti tekad dan kesungguhan Kerajaan Perpaduan untuk mengangkat darjat harakat ekonomi negara dan rakyat. Bersandarkan kepada Belanjawan MADANI 2024, Kerajaan telah **meluluskan Dana Latihan TVET berjumlah RM180 juta** kepada Perbadanan Tabung Pembangunan Kemahiran (PTPK) untuk **menyediakan pinjaman pendidikan kepada 12,000 pelatih yang mengikuti Program Persijilan Kemahiran. RM20 juta telah dikhaskan untuk manfaat pelatih yang mengikuti bidang maritim, kesenian di ASWARA dan penyelenggaraan, pembaikan dan baik pulih (MRO) bagi sektor aeroangkasa.**

Dengan pengumuman Belanjawan MADANI 2024 ini, PTPK berjanji untuk melaksanakan tanggungjawab dengan komitmen yang tinggi dalam menguruskan peruntukan secara cekap. Tujuan utama adalah untuk menjamin kesejahteraan dan kebajikan kumpulan sasar, terutamanya yang dinyatakan dalam pembentangan Belanjawan MADANI 2024 ini. PTPK berusaha untuk memastikan bahawa tiada pelajar yang tercicir atau terlepas peluang untuk melanjutkan pengajian dalam

program TVET. Semoga dengan peruntukan yang diterima akan membantu PTPK ke arah hala tuju yang lebih dinamik sebagai penyedia dana latihan kemahiran, serta menyokong Pemacu Perubahan Rancangan Malaysia Ke-12 untuk meningkatkan ekosistem TVET bagi Membangunkan Bakat Tersedia Masa Hadapan.

YB TUAN V. SIVAKUMAR
MENTERI SUMBER MANUSIA
PUTRAJAYA
15 OKTOBER 2023